



Publicaziuns dalla vischnaunca, jamna 25

Damondas da baghegiar

2015-1026.000

Datum dalla publicaziun: Ils 19 da zercladur 2015

Il patrun: Roger Sac-Bearth, Via Sontga Catrina 2, 7180 Disentis/Mustér

Il representant: Roger Sac-Bearth, Via Sontga Catrina 2, 7180 Disentis/Mustér

Object: Sfundrera senza deflussiun per tualetta cun aua, parcella 2635, Barschaus, 7186 Segnas

2015-1027.000

Datum dalla publicaziun: Ils 19 da zercladur 2015

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: Planungsbüro Wegmüller, Landstrasse 143, 7250 Klosters

Object: Realisaziun d'ina fossa comunabla, parcella 2324, Santeri Sogn Gions, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 16 da zercladur 2015

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2015 – 1018.000

Pius Desax, Via Sogn Gions 3, 7180 Disentis/Mustér:

Construcziun d'in parcadi niev en cumbinaziun cun la sanaziun dalla Via Sogn Gions, parcella 770, Via Sogn Gions 3, 7180 Disentis/Mustér.

Disentis/Mustér, ils 16 da zercladur 2015

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2015 – 2027.000

Edy Huonder, Via Sontga Gada 3, 7180 Disentis/Mustér: sanaziun interna dalla habitaziun en la casa sin parcella 655, Via Sontga Gada 3, 7180 Disentis/Mustér.

Nr. 2015 – 2038.000

Ervin Stiefenhofer-Lozza, Via Alpsu 25, 7180 Disentis/Mustér: rinfrestgar la colur dil tetg dalla tegia sin parcella 3554 a Prau Sut, 7180 Disentis/Mustér.



Nr. 2015 – 2039.000

Toni Jacomet, Via Alspu 14, 7180 Disentis/Mustér: Remplazzar la casetta da curtin, parcella 638, Via Alspu 14, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla supraztonza communal.

Disentis/Mustér, ils 15 da zercladur 2015
Uffeci da baghegiar Disentis/Mustér

**Cussegl da vischnaunca
Credits per sanaziun cuschina casa da scola e per sanaziun tschancun Via Lucmagn**

En sia seduta dils 11 da zercladur 2015 ha il cussegl da vischnaunca sut il tgamun dad Edgar Durschei tractau ed approbau las duas moziuns „Per terminar il concept en favur dalla sanaziun dallas finanzas communalas cun entradas da taglia supplementaras sin la fin digl onn 2015“ e „Sanaziun dil plaz da pausa scola Cons“. Plinavon ha el concediu ils credits per la sanaziun dalla cuschina en casa da scola Cons e per la sanaziun dil tschancun Via Raveras-punt Langini sco era tractau ed approbau ils statuts dalla Regiun Surselva.

La casa da scola Cons ei vegnida construida 1955. La cuschina datescha dil medem temps. Ina sanaziun dalla cuschina ei urgenta ed absolut necessaria. Aschia funcziuneschan las apparatusas da cuschina mo parzialmein e la funcziunalitad dallas localitads corrsipunda buca pli als basegns d'instrucziun. Ina sanaziun ei cheutras inconstestada. Il cussegl da vischnaunca ha concediu unanimamein in credit da frs. 195 000.– per la sanaziun dalla cuschina en casa da scola Cons. Las lavurs da sanaziun dalla cuschina duein succeder el decuors dalla stad 2015, aschia che las localitads da cuschinar stattana disposiziun sil pli tard igl atun 2015.

Sil tschancun dalla Via Lucmagn denter la punt Langini e la Via Raveras ei la situaziun pils pedunzs fetg stretga e prigulusa. En quei liug caschuna era la pintga dimensiun dalla canalisaziun difficultads hidraulicas. Perquei ch'il terren sa vegnir acquistaus sulettamein sin basa voluntaria, vegn il tschauncun dalla Via Gonda/Via Raveras sanaus pli tard. Il cussegl da vischnaunca ha decidiu che quei tschancun dueigi denton era vegnir sanaus ton pli spert. Vid ils cuosts totals per la via cantunala, la canalisaziun e l'illuminaziun publica da total frs. 415 000.– separticipescha il cantun cun ina summa da frs. 220 000.–. Quellas lavurs vegnan exequidas 2015 e 2016. Il cussegl da vischnaunca ha concediu in credit da frs. 195 000.– per la cumpart dalla vischnaunca vid la sanaziun dalla Via Lucmagn sil tschancun dalla Via Raveras entochen alla punt Langini.

Il pievel grischun ha approbau la legislaziun davart la refuorma territoriala. Las endisch novas regiuns remplazzan naven digl onn 2016 ils cumins, las corporaziuns regionalas ed ils districts. Las 18 vischnauncas dalla Surselva fuorman da niev la Regiun Surselva. Igl organ suprem dalla regiun ein ils habitonts cul dretg da votar dallas vischnauncas dalla regiun. Per la gronda part dallas decisiuns sin palancau regional ei la conferenza dils presidents communalas cumpetenta. Ella conferenza dils presidents ein las vuschs dallas vischnauncas valetadas tenor lur grondezia. Aschia dispona la vischnaunca da Mustér da treis vuschs. Ord il miez dalla conferenza dils presidents vegn eligiun ina cumissiun regionala. Las incumbensas cumpeglian d'ina vart las incaricas adossadas dil cantun alla regiun (p.ex. planisaziun regionala, uffeci stadi civil, uffeci da scussiun e concuors) e da l'autra vart san las vischnauncas incumbensar la regiun cun incaricas (p.ex. economisaziun da rumien, scola da musica, ediziun Fegl official Surselva). Il cussegl da vischnaunca ha approbau unanimamein ils statuts dalla Regiun Surselva cun suttametter quei conclus alla votaziun dil pievel.

Cusseglia Flavio Murer ha inoltrau in'interpellaziun davart la situaziun futura sil sector turistic enteifer nossa vischnaunca.

Supraztonza communal



Rapport da gestiun 2014

Il rapport da gestiun 2014 dalla vischnaunca da Mustér ei vegnius repartius quest'jamna en las casadas. Tgi che ha buca retschert il rapport ni giavischa ulteriurs exemplars, sa sesurvir en casa communal (1. alzada, stanza 10).

Administraziun communal

Beinvegni a Disentis/Mustér 2016

17. Fiasta federala d'acordeon dils 3–5 da zercladur 2016

Aunc ein ils tuns dil SKJF a nus ellas ureglias e gia mirein nus egl avegnir sin ina proxima gronda fiasta a Disentis/Mustér.

Dils **3 entochen ils 5 da zercladur 2016** beneventein nus 100 formaziuns cun rodund 2000 acordeonists alla 17. Fiasta federala d'acordeon.

Sinaquei che quella fiasta daventi in success cumplein tscherca il comité d'organisaziun gia oz umens e dunnas (voluntari(a)s) che segidan cun nus. Nus basignein denter 250–300 persunas els sequents secturs: infrastruttura, transport, traffic, gastronomia, accumpignament q.v.d aschi numnai «butlers» che preparan las zonas da silenzi sin giavisch e speakers.

Savesses Ti s'imaginar da s'engaschar per quei arranschament d'eminenta muntada per la regiun? Lu targlina buca da **s'annunziar**. Bugen spitgein nus Tiu resun entochen la **fin d'uost 2015** per mail ad info@akkordeonfest.ch ni directamein tier la persuna da contact: Rita Furger, Via Sogn Placi 6, 7180 Disentis/Mustér (tel. 081 936 45 45). El decuors dil settember 2015 vegnin nus a tarmetter in questunari detagliau, nua che Ti sas lu indicar en tgei sector che Ti vulas s'engaschar.

Sin Tia annunzia e tiu agid selegra
il comite d'organisaziun

Uniun da dunnas/mummas cun affons pigns Mustér

Sco quei ch'ei va cun biaras autras uniuns ei era noss'uniun pertuccada d'ina digren. Gie, alla davosa radunonza generala eis ei schizun buca reussiu d'eleger ina presidenta, demai che negin vuleva star a disposiziun per quei uffeci. Denton fuss ei stau falliu da better gliez mument la faultsch el canvau. Pertgei pér cura ch'ei dat buca pli quella uniun, vegn enqualina pertscharta (forsa era enqualin) tgei che maunca en vischnaunca. Aschia ei seformau ina gruppa d'interess che vul segidar cun las suprastontas ad eruir schebein l'uniun da dunnas e mummas cun affons pigns ha in avegnir e tgei ch'interessescha in summa aunc las dunnas.

Per quei motiv han varga 570 dunnas denter 20 ed 80 onns obteniu quels dis in questunari cun in tschuppel damondas. Las rispostas duein lu dar sclariment co ei stat cun igl interess d'interprender enzatgei da cuminonza.

Aschia envidein nus tuttas dunnas d'emplenir ora il formular obteniu e da returnar tal entochen **sonda, ils 20 da zercladur 2015** all'adressa indicada. Sch'ei dat damondas, lu sevolvi tier las persunas numnadas sil formular.

Ei fagess grond plascher d'obtener fetg biaras rispostas. Mo lu eis ei pusseivel da giudicar tgei program che l'uniun duei porscher egl avegnir ni sche l'uniun sto propriamein vegnir sliada muort munconza d'interess.

Engraziel per tiu sustegn.
La suprastonza e la gruppa d'interess



Kloster Disentis

Bundeskanzlerin Corina Casanova im Forum Kloster Disentis

Am **19. Juni 2015** um 20.30 Uhr spricht im Peter-Kaiser-Saal die Bundeskanzlerin der Schweizerischen Eidgenossenschaft, Corina Casanova, über das Thema:

«Vor den eidgenössischen Wahlen – Was bringt die Zukunft?»

Herzliche Einladung.

Kloster Disentis, P. Urban Affentranger

Apparat d'udida

Gliendisdis, ils 29 da zercladur 2015 saveis Vus schar schubergiar e rugalar Vies apparat d'udida:

9.15-10.15 en Casa sogn Martin a Trun

10.45-11.30 en Casa sogn Giusep a Cumpadials

13.30-15.15 el Puntreis, Center da sanadad a Mustér

Las firmas Amplifon ni Jäggi da Cuera/Glion, cun signur Arthur Jacomet, fan quei survetsch per tuts interessents gratuitamein. Ei drova negina annunzia.